



Broj: 01-05-758-6/10

Fojnica: 05.08.2010. godine

Na osnovu člana 118. Statuta općine Fojnica i Zaključka o dostavljenim preporukama Komisije za društvene djelatnosti od 20.07.2010. godine, Općinsko vijeće Fojnica, na sjednici održanoj dana, 05.08.2010. godine donosi:

PRAVILNIK o raspodjeli finansijskih sredstava namijenjenih sportu

Član 1.

Ovim Pravilnikom reguliše se podjela finansijskih sredstava koja su namijenjena sportu a predviđena budžetom općine Fojnica i iz drugih izvora ako su namijenjena sportu u cjelini.

Član 2.

Pravilnikom se regulišu korisnici finansijskih sredstava, kriteriji raspodjele, dokumentacija, izvještavanje, sankcije i završne odredbe. Učesnici u procesu prijavljivanja za sredstva namijenjena sportu dužni su uz zahtjev priložiti dokumente o zadovoljenju općih i posebnih kriterija propisanih ovim Pravilnikom.

KORISNICI FINANSIJSKIH SREDSTAVA

Član 3.

Učesnici u raspodjeli finansijskih sredstava po ovom Pravilniku imaju svi klubovi i udruženja koja su registrovana i vode se u službenoj evidenciji udruženja u Ministarstvu pravde i uprave SBK koji se pridržavaju Zakona o udruženjima i fondacijama, odredbi ovog Pravilnika i koji djeluju u skladu sa Zakonom o sportu SBK, Federacije BiH i države BiH, a koja djeluju i rade na području općine Fojnica.

Član 4.

Opći kriteriji

- rješenje o registraciji organizacije, udruge ili kluba
- identifikacijski broj, za pravnu osobu i broj transakcionog računa u banci
- matični broj za pojedinca i broj računa otvorenog u banci
- godišnji program rada i finansijski plan rada za narednu godinu
- izvještaj korisnika o utrošku sredstava dobivenih za prethodnu godinu
- bilansa uspjeha kluba ili udruge u prethodnoj godini, ovjerena kopija

- podaci o dosadašnjem sudjelovanju na domaćoj i međunarodnoj sceni

Posebni kriteriji

- rang te sustav natjecanja u kojem klub redovito sudjeluje
- postignuti sportski rezultat kluba i pojedinca u klubu na službenim natjecanjima uz potvrdu granskog saveza koji je organizirao natjecanje
- masovnost (broj selekcija i registriranih aktivnih članova kluba)
- kvalitet kandidiranih projekata
- doprinos reprezentativnim selekcijama BiH (uspjesi na međunarodnom takmičenju)
- postignuti klupski i pojedinačni rezultati na državnim prvenstvima, balkanskim igrama, mediteranskim igrama, europskim prvenstvima i svjetskim natjecanjima
- podaci o licenciranim stručnim sportskim djelatnicima u klubu.

Član 5.

Spisak korisnika finansijskih sredstava za narednu godinu utvrđuje Komisija za društvene djelatnosti u skladu sa budžetskim kalendarom. Javni poziv se upućuje najkasnije do 15.08. tekuće godine za sredstva iz budžeta za narednu godinu. Javni poziv upućuje općinska Služba za opću upravu i društvene djelatnosti.

Spisak odabranih korisnika Komisija za društvene djelatnosti dostavlja općinskom Načelniku najkasnije do 30. 09. tekuće godine, prije izrade nacrtu budžeta. Javni poziv mora sadržati navedene opće i posebne kriterije.

I – KRITERIJI I ELEMENTI RASPODJELE

PREDHODNA RASPODJELA

Član 6.

Sva raspoloživa finansijska sredstva namijenjena sportu dijele se u omjeru:

- takmičarski sportovi	70 %
- rekreativni sportovi	20 %
- rezervni fond i neplanirane obaveze	10 %

POJEDINAČNA RASPODJELA I NAMJENA SREDSTAVA

Član 7.

Finansijska sredstva namijenjena klubovima i udruženjima članicama strukovnih saveza dijele se na FIKSNI i VARIJABILNI dio omjera 70 : 30.

Član 8.

Po osnovu fiksne namjene članice saveza dobivaju iznose utvrđene u članu 3. ovog Pravilnika.

Član 9.

Stimulativni dio članice dobivaju na osnovu sljedećih parametara:

- a) Članstvo
- b) Rang takmičenja
- c) Interes građanstva – publike
- d) Pripadnost sportovima od posebnog interesa za općinu

Kvalifikacija parametra izražava se u poenima.

Član 10.

Obračun i raspodjela finansijskih sredstava za svaku sportsku ekipu i udruženje vrši se kvartalno za svaka 3 mjeseca u godini na osnovu prikupljenih sredstava u budžetu općine Fojnica.

1. BROJ ČLANOVA

Član 11.

Klubovi i sportska udruženja na osnovu parametara članstva ostvaruje poene kako slijedi:

- za svakog člana sportistu starijeg od 18. god. (2 poena)
- « « mlađeg od 18.god. (3 poena)
- za svakog podpomažućeg člana (1 poen)

Za ostvarivanje poena po ovom parametru, klubovi i udruženja donose na uvid Komisiji za društvene djelatnosti dokaze o uredno plaćenju članarini za kvartal za koji se doznače sredstva.

2. RANG TAKMIČENJA

Član 12.

Članice saveza po osnovu parametra ranga takmičenja ostvaruju poene kako slijedi:

- za takmičenje u Kantonalnoj ligi (100 poena)
- za takmičenje u Federalnoj ligi (200 poena)
- za takmičenje na nivou BiH (300 poena)
- za takmičenje na međunarodnom nivou (400 poena)

Za ostvarivanje poena po ovom osnovu, članice su obavezne da od strukovnih Saveza registrovanih u skladu sa Zakonom o sportu SBK dostave izjavu iz koga se vidi rang takmičenja.

3. INTERES GRAĐANA – PUBLIKE

Član 13.

Klubovi i udruženja po osnovu interesa građana – publike ostvaruju poene kako slijedi:

- za svaku započetu sportsku priredbu na otvorenom prostoru (10 poena)
- za svaku započetu sportsku priredbu u sali (zatvoreni prostor) (20 poena)

Po ovom osnovu Klubovi i udruženja mogu maksimalno ostvariti do 100 poena.

4. PRIPADNOST TEMELJNIM SPORTOVIMA

Član 14.

Svi klubovi i udruženja koji se bave sportovima od posebnog interesa za općinu povećava se broj poena za 10 %.

Komisija za društvene djelatnosti utvrđuje konačnu listu sportova koji imaju ovaj tretman.

REZERVNE I NEPLANIRADNE OBAVEZE

Član 15.

Sredstva predviđena članom 6. stav 3. namijenjena su:

- za osvojeno prvo mjesto u rang u takmičenja,
- za osvojeno prvo mjesto na turnirima na nivou Federacije BiH i BiH,
- za osvojeno 1-3 mjesto na međunarodnom takmičenju,
- kvalifikacije u veći rang takmičenja,
- za participaciju troškova organizatorima sportskih turnira na nivou općine koje utvrdi Komisija da su od interesa za razvoj sporta na području općine,
- za druge namjene koje se nisu mogle planirati a komisija ocijeni da treba uzeti učešća u participaciji.

Član 16.

O ispunjavanju uslova za učešće u javnom pozivu Klubovi i Udruženja dostavljaju svu potrebnu dokumentaciju o raspodjeli utvrđenih sredstava iz budžeta odlučuje Komisija za društvene djelatnosti na osnovu relevantne dokumentacije.

II - DOKUMENTACIJA I IZVJEŠTAVANJE

Član 17.

Svi Klubovi i Udruženja su dužni dostaviti urednu registraciju u skladu sa članom 4. ovog Pravilnika.

Član 18.

Klubovi i Udruženja dužni su dostaviti izjavu od strane odgovornih lica iz strukovnih saveza o rangu takmičenja, broju članova i ostalu neophodnu dokumentaciju.

Član 19.

Klubovi i udruženja koji ne dostave podatke u rokovima predviđenim ovim Pravilnikom neće moći učestvovati u raspodjeli sredstava shodno članu 5.

KAZNENE ODREDBE

Član 20.

Korisnici sredstava za sport su dužni pravdati utrošena sredstava kvartalno usklađenim sa finansijskim planovima programa/projekta. Ukoliko korisnici sredstava ne pravdaju ista na propisan način dužna su ista vratiti i neće biti u mogućnosti ubuduće konkurirati za sredstava namijenjena za sport iz budžeta općine Fojnica.

Kontrolu utroška sredstva iz stava 1. vrši Komisija za budžet, finansije i ekonomska pitanja.

III – PRELAZNE ODREDBE

Član 21.

Doznaka sredstava vršit će se prema dinamici utvrđenoj Odlukom o izvršenju budžeta općine Fojnica.

Član 22.

O eventualnim prigovorima vezanim za raspodjelu sredstava odlučuje Komisija za prigovore, predstavke i prijedloge Općinskog vijeća.

Prigovori se dostavljaju Komisiji za prigovore, predstavke i prijedloge putem Komisiji za društvene djelatnosti.

Član 23.

Odluka Komisije za prigovore, predstavke i prijedloge je konačna.

Član 24.

Komisija može dogovorno sa Klubovima i Udruženjima vršiti raspodjelu sredstava i na drugi sukladan način posebnom odlukom Komisije iz sredstava rezerve koja su predviđena ovim Pravilnikom.

Član 25.

Odluke Komisije su punovažne, ako od ukupnog broja članova, glasa za odluku više od polovine članova Komisije.

Član 26.

Ovaj Pravilnik stupa na snagu danom donošenja i bit će objavljen u „Službenim novinama općine Fojnica“.

**PREDJSENIK
OPĆINSKOG VIJEĆA FOJNICA**

Protuder Vinko, graf. ing.